

乘 異 記 誠齋雜記
異 林 志 怪 錄
快雪堂漫錄
前定錄補遺

奇聞類紀摘抄
與 物 傳



奇聞類紀摘抄

施顯卿撰

中華書局

叢書集成初編

乘 異 記（及其他七種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN 7-101-00894-1/K·367

奇聞類紀摘抄

此據紀錄彙編本
影印初編各叢書
僅有此本

古今奇聞類紀叙

一元之混闢而萬象出焉瀰布乎天下流行於古今未嘗息也而要其大分不過常變之二端而已常則靜正坦夷簡易明白人固習而安焉變則神異難知玄怪莫測人多值而駭焉然常必有變理之相因如暑寒晝夜然人惟順適乎常而兼通夫變斯知大化有全功而窮理無偏見矣昔仲尼不語神怪而姜嫄之孕傳巖之夢垂之六經土獫狁夔罔魍之異著之羣籍然則不語者非不語也但不雅語以爲訓耳余歸老讀書遇事之奇異者必

以片紙錄之又恐久而散逸也乃釐爲十卷名曰古今奇聞類紀上而天文下而地理運播而五行散殊而人物靈變而儒釋幽微而鬼神分門別類以備一家之言中間援引其詳於國志者以方今垂世之典所紀之皆實也次則多用史傳通考者以人所傳信之書所載之非誣也又次旁及于雜編野紀異說玄談諸氏之籍者以其理之不悖說之相通故亦存之而不遺也嗚呼是書也遇變而考稽則可以爲徵驗之著龜無事而玩閱則可以爲幽閒之鼓吹非敢漫爲捕風之論說鈴之詞

已也然未知博雅君子或川其一二焉否爾

萬曆四年六月既望無錫九峯山人施顯卿叙時
年八十二

[illegible]

紀錄彙編卷之二百十二

奇聞類紀摘抄一

施顯卿

天文紀

宣德中天裂

國朝宣德中一日未申時忽天裂于西南視之若
十餘丈時晴碧無霧內外際畔了然可察見其中
蒼茫深昧不可窮極良久乃合

志怪錄

天順間天開

天順間陝西臨洮府蘭縣鄉民陳鸞夜半獨起仰

見天門大開上帝冕旒袞袍端拱其中儀衛鵠立者甚衆宮殿欄楹炫彩耀日鸞疾呼家衆視之雲

條合矣

西樵野記

弘治中天間

弘治戊申二月二十六日陝西軍民人等見天門

忽開人馬百萬自下而入

鄭那漫抄

正德間天間

正德間揚州江都縣有啞人鄭姓者人稱爲鄭啞巴一夕至南門忽見空中紅光炳耀仰視則天間眼也隨拜隨喚人觀之不覺聲出於口自是不啞

揚州曹進士守真云啞者乃其父之相識事信有之啞巴因天開一拜而遂有音聲奇亦甚矣

七修類稿

國朝天鳴

洪武元年八月六日建業天鳴如河傾海注乃肆

赦

草木子
餘錄

成化末正旦日申時中天有白氣如練

仰視之宛轉如一白蛇漸升漸消且盡忽有聲如

雷蓋大鼓也

袁澤表語

弘治辛酉閏七月二十一日午

後陰雲密而迷漫如欲雨者俄聞空中闐然有聲約二刻乃止人皆謂之天鳴是年有火篩入寇之

變

西樵野記

天隕異石

國朝弘治庚戌歲二月陝西慶陽縣隕石如雨大者四五斤小者二三斤擊死人以萬數一城之人皆竄他所寓開雜記

天雨五穀

國朝成化元年天雨黑黍于襄陽擲之盈把及星變地震蓋兵兆也時北方流民聚山中凡數十萬叛逆僭號朝廷大發兵討之禱其巢穴湖湘始靖焉

弘治乙卯六月驟歛由豆亞雙槐歲抄隆慶二年四月

十四日陝西涼州西寧衛地方天降黑豆遍地無
數人食之則氣閉巡按御史楊一桂具本奏聞

邸報

天墮泥丸

國朝成化元年五月間一日大風蕭牆以西若雨
雹聲有在地者拾取視之皆黃泥丸子圓澤堅實
如核桃大破之中有硫黃氣劉學士在西住拾數
丸示予非親見亦不信也以此觀之二氣變化何
所不爲

彭文憲
公筆記

天墮草船

松江城西有董仲頰素以敦厚稱成化丙午八月

二十一日天宇澄霽皎無纖雲衆見空中有小船從東而西又轉而東墮仲頰樓上觀者塞道細視之乃菱草所縛者時仲頰方患耳聾亦不大驚但曰此船來載我耳不久果卒

志怪錄

天降白物

嘉靖四十一年六月三日天晴麗忽空中降白物大小如雪片晶光映日以手撲之隨滅自午至申而止鄞與定海皆然

定海志

國朝日變

嘉靖二十四年十二月二十日以後日旁常有黑

塊往來衝日早暮見之凡五日方止

七修類稿

三十四

年十二月二十九日未申時日光暗有青黑紫色如日狀者數十與日相盪俄而數百千萬彌天者半途時漸向西北散去明年四月倭寇四起大掠邊徼

宜海志

星墜賊亡

國朝正統十四年有廣州巨盜黃蕭養者坐強盜在郡獄踰十年所卧竹床忽生竹葉同禁者以爲祥瑞教爲不軌遂破械越獄入海作亂衆至十餘萬僭號稱王至次年景泰改元之二月都督董興

等率兵討之三月初旬夜有大星墜於河南岸天文生馬軾隨行以所占告曰四旬內破賊必矣至是官軍至大洲頭與賊遇果大破之蕭養中流矢被擒伏誅餘黨悉平陳氏曰按枯竹生枝而兆蕭養之亂大星夜墜而兆蕭養之亡然則盜賊亦關天數不偶然也

星如粉漿

國朝成化中星隕于山東莒城縣馬長史家門中初墜地其光煜煜而星體腐軟特如粉漿焉家人以杖抵之沒杖成穴久而漸堅乃成一石

庚巳編

天墜異星

嘉靖四十一年六月二十四日暮天西北當翼軫之度忽墮物如升子體圓而長上銳下大其色黃白下有紫赤光挾持之炎炎而墜瞬息大如斗如數石甕精光四燭明徹毫芒將至地作踴躍狀光影起伏者再後人來自淮陽亦有自閩至者所見皆同蓋類占書所謂天狗但墜地不聞有聲耳

志

定海

北斗化豕救厄

國朝武功伯徐公有貞天才絕世其學自天文地